

NUS kekal varsiti terunggul Asia, NTU duduk tempat kelima

UNIVERSITI Nasional Singapura (NUS) berjaya mengekalkan kedudukan pertama ranking universiti terkemuka di Asia oleh majalah *Times Higher Education* bagi tahun ketiga berturut-turut.

NUS berjaya meningkatkan matanya dalam hampir semua bidang sambil memperolehi mata tambahan bagi bidang pengajaran, penyelidikan, rujukan dan pemindahan ilmu, menurut laporan akhbar *The Straits Times* (ST).

Universiti Tsinghua China pula mengambil tempat kedua. Universiti Peking dan Universiti Hong Kong masing-masing berada di tempat keti-

ga dan keempat.

Universiti Teknologi Nanyang (NTU) juga berjaya meningkatkan prestasi dalam kebanyakan bidang, namun mereka turun satu tempat dan disenaraikan bersama Universiti Sains dan Teknologi Hong Kong di tempat kelima.

Kedua-dua NUS dan NTU menca-

pai markah tinggi dalam semua bidang, terutama kesan petikan dalam penyelidikan dan pandangan antarabangsa.

Menurut *Times Higher Education*, trend yang dapat dilihat menerusi ranking Asia tahun ini ialah peningkatan berterusan China, yang kini menduduki hampir satu daripa-

da lima tempat dalam ranking itu.

Mengulas pencapaian tersebut, Presiden NUS Tan Eng Chye berkata:

“Ini pengesahan terhadap kemajuan kukuh universiti ini sebagai pusat pendidikan dan penyelidikan global terkemuka.

“Ia juga pengiktirafan yang kuat

terhadap usaha bermutu tinggi yang dicapai pasukan fakulti, kakitangan dan pelajar.

“Dalam landskap pendidikan tinggi yang terus pesat berkembang, kami berhasrat mempercepat transformasi NUS pada tahun-tahun akan datang.

“Kami akan meningkatkan usaha

memupuk lulusan yang bersedia menghadapi masa depan dan mengembangkan daya usaha pendidikan sepanjang hayat untuk memberi manfaat kepada alumni dan warga Singapura.

“... Kami juga akan meningkatkan ekosistem yang terus bersemangat ini demi memupuk inovasi dan keusahawanan”.

Ranking universiti terkemuka Asia majalah tersebut menggunakan 13 petanda prestasi. Misalnya, penyelidikan, persekitaran pengajaran dan petikan penyelidikan.

Ranking 2018 berkembang merangkumi sebanyak 359 universiti berbanding 298 tahun lalu.